



負苞堂詩選卷之五

吳興臧懋循晉叔甫著

五言絕句

感懷

一夜青霜降萋萋草具腓誰知巖谷裏猶有薜

蘿衣

送王曰常還豫章

何事不禁愁蒼皇上別舟遙持兩行淚日對九

江流不禁然蒼皇土民舟楫林雨竹筵日樓水

清涼寺雨中送曹能始梅子馬分賦二絕

十年始一見愁心未能雪那堪風雨中更作東

西別青霽河邊草草月拋銷吹澗谷裏餘春蕚

其二

越嶠朝嵐重楚江秋水淡離程不可盡况復故

人心

江上送曹能始別

相望江亭晚尊空客漸稀楊花不解別到處逐

君飛

賦得春鶯送客

綠樹隱黃鶯作意向春鳴君過春山聽無非喚

友聲

南陌上見遊者戲為之詠

花柳可憐人鶯嬌燕復新盈盈南陌上若個不

為春

春望

所思千里道積望傷懷抱不知春幾深綠盡長

河草

寒食

揮馬出長安前程正渺漫可憐中自熱徒有食

能寒

題菜

桃李有好色當春競藿靡菜花亦不遲開徧春

風裏

題黃司馬味泉亭

爾家綠雲芽薦以中冷水一枕北窻餘微風落

松子

春望

...

...

...

...

...

...

...

負苞堂詩選卷之五

吳興臧懋循晉叔甫著

七言絕句

贈游明府肩生

顧渚山頭五色霞使君行部到山家勝遊端自

兼公事春兩年年採貢茶天不見宋莫向翻跡

送吳載伯之金陵

青蘋綠綺俠遊裝分手江亭去路長處處鶯花

留客醉不知春色在橫塘亭去湖邊處處鶯
送姚園客還蒲劄

寒江落日倚歸槎日盡南天不見家莫向離程
怨蕭瑟千山紅葉似春花
送吳陽伯南遊

春風啼殺白門鷓綺陌麟麟衛玠車連手如花
遊女伴一時夾轂問君家
江上別送者

日日春風吹別顏故人舟楫幾人攀
桐廬道一片桃花送客還

與吳翁晉別

同爲異客有先還落日征轅不重攀
寄歸鴈隨君遙度秣陵關

不許菡葉相公

罷官昨日今如何行馬門前換雀羅
供帳盛舊來東閣似還多

期期寄吳公擇
關山戰多
一臥山中無歲月
每對青銅傷白髮
春來思酒
不得錢閉門數日
花事歇

久不得允兆書却寄

白門無事久離居
淡巷垂楊臥病餘
啼鳥欲闌
春已盡
故人不寄一行書

答姚叔度

放舸衝炎作遠遊
故人念我特相留
別來東去

錢塘路幾日涼颼
宛似秋

答汪仲嘉

客路經春侶伴稀
故鄉回首淚霑衣
不知若個
吹長笛
一夜梅花似雪飛

李大夫巡淮歌

黃河東接大淮浮
千里金隄引漕舟
瓠子宮前
君試望桃花無恙
漢時流

秦淮聞吳太寧歌

夜深四座已頽然忽聽吳歌曲裏傳片片涼雲
低不度一齊回首月明前

溪上

草閣柴扉面碧波芰荷香動午風多故人避暑
杯無恙何事交遊更不過

華亭早發

風雨連江偃荻蘆眠鳧宿鴈夜相呼平明霽色
澄如練一片高帆出溇湖

淮陽客舍

茱萸灣上鴈初飛桐柏山前客未歸何處吹笳
明月夜能令清淚滿征衣

九月十六夜集汪景純宅同吳允兆諸德

祖諸君子聽妓因拈庭來顰時韻賦得四

絕

洞戶層軒夜不扃遞將歌妓借人聽不知餘曲
還畱幾但覺霜華飛滿庭

其二
疑到秦家學鳳臺歌筵四面錦屏開雖然佳麗
無從見時送香塵隔棟來

其三

傳得當年子夜新一聲堪動滿筵人曲中若到
傷心處難道青蛾不自顰

其四

艷質偏宜最艷詞歡情惟有酒能知一傾一石

應難醉何必羅襦半解時

孤嘗於過庭時間及風雅府君以自選雜體
詩百五十餘篇示孤孤請益府君不許曰若
不知杜必簡氏名之藉藉而詩之寥寥乎孤
請梓府君復不許曰若其待之亡何府君見
背哀毀荒迷中筆研都廢獨不能不爲先人
不朽計因攜其稿若干冊謁茅先生孝若謀
可否先生曰子姑承遺命嗣爲續集可也孤

乃併府君文合付剗剗文尤散逸不可稽今亦第刻其存而自選者

辛酉五月既望不孝孤爾炳百拜謹識

不映私必問以谷之謙謙而謂之寥寥乎亦
昔百能十餘年示海海益我我不信日
亦嘗入直武封間又風振我亦以自選錄
最補外文錄本外兩印



負苞堂文選目



卷一

表

擬唐中書侍郎李吉甫上元日和國計簿

表

擬唐門下侍郎同平章事裴度摹述憂勤

機略進呈表

擬頒醒貪要錄於內外諸司謝表

擬儒臣進講春秋上諭以聖賢憂世之心
因命賜講官坐及茶菓謝表

擬上御文華殿講臣進講大學衍義禮畢
賜茶謝表

擬上御文華殿少傅楊榮進講所謂平天
下章學士王直進講生財有大道章上剖
析其義諭之謝表

擬上御文華殿談典謨有感成詩示廷臣

謝表

卷二

啟

復秦王伯聞啟

復杜將軍啟

侯申相公啟

謝葉相公啟

謝劉司空啟

謝陳中丞啟

謝御史薦啟

餞徐京兆啟

迎都轉運啟

賀方少宰啟

謝李司徒啟

謝孫掌院啟

謝許副院啟

謝王侍御啟

回李達亭啟

上饒方伯啟

壽徐相公啟

賀王中丞自江西入僉院事啟

壽張太夫人啟

壽申太夫人啟

卷三

序

代送陳駕部視學兩浙序

送洪方伯入覲序

送陳使君之思州序

贈黃別駕奏績序

送游明府入計序

壽方司徒九十府

李侍御奏議序

元史紀事本末序

賀葉少宰入相序

贈裴司空予告南還序

送按察副使劉公進山西叅政序

壽沈母姚太孺人七十序

送蕭侍御考績序

南京會試題名錄序

古詩所序

唐詩所序

弋說序

元曲選序

元曲選後集序

彈詞小序

送徐京兆序

壽李太公詩序

曾明府三吳輿頌序

引跋

冒伯麟詩引

玉茗堂傳奇引

俠遊錄小引

荆釵記引書

書題六臣文選跋

卷題武將軍華山詩畫冊後

跋文待詔西苑詩卷

澹菴錢公墓誌跋卷

卷四定錄軍華山特書計外

書與六臣文選類

與張司理書

與吳載伯書

與吳允兆書

與姚伯道書

與周穉尊書

與茅康伯書

與許孝廉書

上謝中丞書

與章元禮書

答錢司理書

上潘司馬書

與歐楨伯書

與吳公擇書

與吳允兆書

復姚叔度書

奉徐少師書

與鄧忠父書

復閔明府書

復余司理書

寄錢中丞書

復李孟超書

復陸伯生書

寄黃貞父書

復濮明府書

答曹能始書

與曹能始書

寄姚通叅書

復李中丞書

復熊子良書

復李本寧書

與錢惟凝書

與謝在杭書

記傳曹道故書

重建嘉興批驗所記

三教逸史傳

頌讚黃山文譜

台極頌聖書

題沈孺休小像讚

吳仲虛讚

疏

清涼山顯通寺募緣疏

重建五雲山真際寺佛殿疏

礦銘甲申公文

茅大夫礦銘

祭文新心宰文

祭孫少宰文

祭郭中丞文

祭申相公文

祭王孝廉文真烈寺勸頌

祭姚母閔孺人文新苑

祭

吳中

吳中

負苞堂文選卷之一

吳興臧懋循晉叔

長樂縣人 振錄西 諸子

吳興臧懋循晉叔甫著

表

擬唐中書侍郎李吉甫上元日和國計簿

表

元和二年

天生五材本待國家緩急之用帝齊八政必操

食貨盈縮之權法汰繭絲慮周桑土謹借負版

之式聊當前著之籌竊惟虞薰再鼓為阜民財

禹貢一書在稽邦賦寔太平之要務匪專殖之私圖自井牧廢而薄斂之治衰漸典籍亡而培尅之謀熾禁彌山海徒云利析秋毫察及雞豚豈念毒逋黔首誕興唐運光集貞觀授口分世業之田設租庸徵調之制畜兵有府衛之定額故兵不乏而餉亦克建官有省寺之常員故官不濫而祿恒足天寶以降風教式徵羽書歲警於邊戎介馬時尋於方鎮矧鑿輿當播遷之後

興發滋繁而閭閻值兵燹之餘生養久絀幹理如劉晏僅能五事成名姦罔若延齡乃致百端爲梗征夫寡婦將轉壑以難逃蔀屋窮簷竟叩闈而莫遂哀鴻之中澤如此碩鼠之樂土謂何宜軫宸衷特廻欽恤不棄於中興之末於西

神錫智勇聖直聰明端拱垂衣膺日升月恒之祉有虔秉鉞奮風行雷厲之猷撲燎火之巴焚拯橫流之方割華夷崩角幸觀漢儀

童艾開顏欣霑周德而猶憂勤不輟克責逾殷
精誠旁燭於八紘懇惻潛孚於九廟仙厨撒味
獸館休畋聘嵩少幽人隱淪動色贖魏徵故第
忠鯁增榮何匪理之不臻佇中興之有待顧西
北之藩臣尚積而東南之民力已窮郵坊邠寧
七寸城不通文浩閩浙宣歙百萬戶總斃誅求
丁口損四分之三忍復耽於虎視兵餉增三分
之益河更恣其漁侵兼非時之水旱爲災及巨

測之征輸曷繼斃斃赤子益無粟而桁無襦凜
凜黃圖瓶之罄而壘之耻竊恐度支易竭元氣
難培倘鈴下有脫巾之呼誰其彈壓或野外有
揭竿之釁何以掃除臣見局管窺才慙劓發祇
緣中宮卹草曾徼先帝之知嗣以外郡聲華遂
忝史官之命誓傾心膂與效涓埃爲牧廿年具
悉差徭之煩苦備員三事敢忘稼穡之艱難是
用稽登耗之由著鑒觀之跡勒成十卷進獻九

重雖多明危憂盛之言亦盡兵冗民貧之狀要
知國胡以富于前而儉於後賦胡以輕於昔而
重於今以兩戶資一兵其飛輓安得不困以一
夫徵兩稅其儲待安得不殫自非神運鬼輸何
從取給空復號天搶地靡救淪胥方謂痛切伊
推焉可視同越射假令文皇至今而在亦有躊
躇若蒙明主按簿而觀能無頓蹙伏願防涖竭
澤戒謹漏卮銷刀劍以課農耕蘇息域中之涸

鮒蒐車徒以省軍實廓清鎮上之封狐則青海
冰州偃牙門而納賚丹崖火徼窮珠穴而歸琛
矣

擬唐門下侍郎同平章事裴度摹述憂勤

機略進呈表

元和十四年

伏以武振中興六合仰師貞之略文昭前誠九
重增震虢之懷後先之規畫具存上下之焦勞
未輟謹齋心而進御冀觸日以垂箴竊惟國不

以歌雍舞象爲適化理全繫精神君不以戢戈
包虎爲難究竟惟憑末路明良交頌猶勤鞞鐸
之求述作重光不廢戶楹之警雖昌猷有赫方
如日之中天而軫念無窮有若朝不謀夕用能
兢惕益保休明齊桓矜盛會於葵丘叛生九國
晉武侈雄圖於江左釁啟五胡致鴻名之頓虧
慨龜鑑之非遠蓋禍機本伏於微渺而治功最
弊於因循有事則懼懼則思思卽多徹桑未雨

之慮無事則盈盈則憊憊卽輕積薪厝火之防
故聖王每履盛而虞衰在蓋臣必慎終以如始
○○○青宮毓德紫極承休纘十葉之洪基
奮四征之偉蹟攬乾綱而獨斷運離照以兼臨
含齒戴髮之倫各欣寧謐航海梯山之域咸順
指揮蠢僞醜徒敢違文告尋干戈以窺畿甸盜
據淮西連烽火以撼疆場陰通河北欲剪鴟張
之勢宜申隼擊之威乃建議者以供給之不支

多伏蒲而請赦討叛者由節制之不一皆按甲而莫前詎意狂愚適符神哲起臣於重傷之日加臣以都統之銜出祖登門詔旣排羣臣以專授流涕辭闕誓豈與逆賊而俱生進旅屯雲色動熊羆之校潛師犯雪聲囂鵝鴨之池于是九攻九却之計窮八戰八克之勲茂桓桓奏捷懾狐鼠以亡精矯矯獻囚戮鯢鯨而築觀承宗削封於茅土師道懸首於藁街宿忿頓平靈威大

閱此皆稟之睿筭何敢妄謂賢勞顧臣恩重才輕識近慮遠所戡伐者惟三鎮備嘗萬里櫛風沐雨之艱所謀斷者在一堂久厯十年旰食宵衣之苦尚煙塵之充斥可堪徂彼前功曾歲月之幾何奚遽隳于晚節巖廊分甲乙之黨度支任庚癸之呼臺闢九層望瑤池而降王母塔凌千仞奉朽骨而讚金仙厚積羨緡遠尋靈藥念忽差於一旦事若出於兩人濡裒之戒漸疎復

隍之虞恐涉臣所以載搜往跡輒瀆宸聰天命
難諶肯厭杞人憂墜國步未靖空懷魯女悲吟
托簡冊之微辭用備九五燕閒之覽效涓埃之
小助冀留萬一儆省之資伏願勤表惜陰憂深
履薄承暉殿裏肅然宣政初辰龍首渠邊凜若
蔡州寒夜至意旁孚於廟社凝父母天地一氣
之祥大防永固于華戎貽子孫帝王萬世之業
擬頌醒貪簡要錄於內外諸司謝表

洪武

二十五年

伏以王言秋肅十行垂貪黷之箴睿制春溫三
復仰澄清之益琬琰遙傳於帝闕冰霜競切於
臣隣擬答泰交增懷乾惕竊惟肆筆成書本出
聖入神之餘事援古爲鑑乃治民理物之深資
繩契已還簡冊斯備雖云憲章不乏實則教化
無稽栢梁罕誠勗之辭花萼惟滂靡之什鳳閣
侈哀於三教鴻都濫售於八分甚開墨勅斜封

敢竊寶弓大王明良道喪謨訓風微詎有光闡
弘猷宣融上理剖晰乎貪廉之義提撕乎中外
之司煥若天象昭回洞入表以皆燭儼如聖經
對越襲六典而不刊近可作範於螭頭遠足貽
謀於燕翼者也

皇帝陛下聰明克亶神勇無前黃河爲聖人清
凝上祥於北極金陵有天子氣拓偉略於西京
奮百戰而掃氛霾懸寓重瞻日月纂一戎而拯

饑溺黔黎共慰雲霓匡夏攘夷耻唐宗可汗之
號制禮作樂陋漢儒絲叢之章國寶已集乎共
球宸衷彌凜於淵谷謂卹民必先計吏而繩貪
卽以訓廉旣頌文告以肅官常旋編歲祿以勤
民隱盤餐粒粒靡非汗土中來廩餼纍纍寧是
雨珠可得循品第而程其資給文裾武弁兼陳
總穀入而課其農功露宿霜飡具見爾俸爾祿
退食處當思沉寗晨寒民脂民膏式燕時須憶

窮簷暮泣指獨懲於尸素名因冠夫醒貪砥礪
百僚班布六服言約而盡能移污濁爲貞意切
以深可使酣迷頓覺顧韋弦而等益豈輦輓以
矜工墨吏潜消由此改圖於腴削蒼生永賴從
今蘇困於征求無煩饕餮之誅有甚金錢之媿
幡然瀑雪翕矣成風臣等鹿鹿羣趨魚魚自飭
榮叨君賜清畏人知念阿堵物于我何加豈階
一官爲苞苴之計讀古賢書所學奚事忍殘百

姓爲溪壑之謀敢不表節羔羊室情麀鼠納膏
腴而不潤軟泉水以逾堅誓却楊金庶無慙於
幽夜肯私鄭璧終受罪於匹夫伏願威輯虎包
恩覃龍御勅幾康於一日二日基宥密於先天
後天帑藏充盈尚靳露臺之費功旌妙選猶防
風隧之謠養賢以綏兆民媿嘉靖殷邦車書一
統作人而享遐壽邁縣長周曆胤祚千年
擬儒臣進講春秋上諭以聖賢憂世之心

負苞堂文選 卷一
因命賜講官坐及茶菓謝表

宣德三年

伏以寶幄橫經衮鉞示一王之法黼筵論道絲綸垂百代之箴精研尚愧於董帷優賚已重於戴席榮沾湛露喜溢鈞天竊惟鴻濛肇闢綴遐訓於墳丘勲華遞興揭辰告於謨典皆足丹青神化鼓吹綦隆然理亂之故莫詳而法戒之規不備魯爲宗國秉周禮盡在之稱聖至宣尼挺生民未有之望自東遷而黍離亡雅迄西狩而

麟獲成經託二百四十二年南面之權紀一百二十四國中衰之跡尊攘並著褒貶兼該予奪不借于單辭筆削尤嚴於一字防流杜漸雖荆吳雄長恒裁其猾夏之謀顯微闡幽若齊晉同盟屢責以勤王之義以天自處有罪必誅信萬古之法程展五經之斷案卜子夏親承聖教而公穀分爲兩家左丘明歷叙事源而虞鐸撤爲數卷競崇師說各立門墻徒益紛紜彌增誕妄

劉子駿僭爲改擴敢恣肆以移書雋不疑何所
發明輒牽引而折獄沒微言於滋蔓叢大道於
多岐五始之學誰傳一統之公遂泯事如有待
文不在茲禮王之義以天自或官罪必稽計萬
皇帝陛下御籙登樞體元握治續二祖一宗之
建立豐日中天廣九官列牧之咨諏泰交斯卜
每切萬幾競業之慮不輟三雍講述之勤申命
儒紳對揚秘閣謂帝王之治本於學而經筵爲

五學最先聖賢之情見乎詞而春秋則一辭莫
讚敷陳古訓獻納新知在庸鄙猶滯於言筌乃
宸聰已洞其旨與卽一事而憂深思遠總提綱
挈領之心雖片語而義正詞嚴皆扶顛持危之
術言言破的豈經生學士可希字字窮神非老
師宿儒所究若太陽流照芒掩羣星譬洪鐘叩
懸音發衆律乍疑攻木頓喜發蒙蓋天聽卑念
臣侍久假胡床而賜坐出仙液以分珍玉案近

依瑞靄接香爐共惹珠簾不隔清風隨茗椀俱
生紫筍月團潤寒蟬之噪吻葡萄盧橘充饜鼠
之枯腸寵絕邁於投醪感逾深於推食顧臣等
愚幾忘馬弱不為臬睹大義之揭天驚小智之
窺日拂歸鞍而帶絲籠力豈勝恩候曝直而數
花磚言難盡意終與輸其塵露庶不負乎稻粱
伏願治戒濡初學懲止箠勒華夷內外以嚴其
界覈王伯正譎以峻其防消息盈虛必謹偕行

之運禮樂征伐毋移獨斷之威則洙泗之淵源
可紹而青史光豐鎬之曆數克踰而黃圖鞏

擬上御文華殿講臣進講大學衍義禮畢

賜茶謝表

弘治元年

寶笈雲暉紀載覃聖經之要金華日麗講求昭
帝學之勤鉛槧之業有光堂陛之交不隔觀龍
顏於晉接拜手揚休奉雀舌於渙頌捫心知渥
竊惟百王莫盛於仲尼而一貫獨唯於曾子爰

作大學未喪斯文本之修已而慮切銘盤推之
治人而化弘絜矩淵源邈矣實東魯授受之微
言綱目粲然乃南面經綸之上術慨異端之簧
鼓致大道之綦蕪豈不昭揭於鴻都時亦表章
於虎觀園橋而修憲老錯三雍鯨鼉之中重席
而競談經在二戴曲臺之後嗣流傳於洛下載
衍義於西山抉聖賢道德性命之精掇古今興
廢安危之跡千言不厭治理洞若秋毫一覽未

終謨訓炳如白日曾顯高皇之廡壁間進列聖
之經幃勿替燕謀適追鴻烈

皇帝陛下祥開河紀睿總天維禮暨樂以咸興
兵與刑而不試克勤初政務澄源端本之功率
由舊章參重道崇儒之典絲綸傳後殿花香繚
繞朝衣虎豹啟前旌雲氣鬱葱仙仗簪裾列侍
圖籍旁蒐一日萬幾競業廣廈細旃之上四條
六要敷演殘編斷簡之餘精神潛契於昔賢問

難各窮其新得蓋將悉考古証今之義夫豈爲
循章摘句之資惟聖心獨觀昭曠之原直已折
衷於衆論故皇恩迥出尋常之格遂令普潤於
羣工紫筍芬浮莫辨御爐燿烈綠華飛色徧驚
上苑春饒美動七情風生兩腋顧杯漿而慙味
指蘭露以侔芳伏念吳主分茶愛才思渴晉王
置茗下士懷虛臣等何人被茲殊寵抱琅函而
奏御志徒切於豹窺握黼幄以颺言識竟迷於

蠡測未濯金莖之秀橫霑玉井之甘敢不滌慮
餘水銜榮設醴退以吐剛茹柔自戒進以獻可
替否爲恭惟嘉謀嘉猷乃敢入告非曰仁曰義
不取前陳伏願學懋修而乃來緝熙靡懈道若
望而未見顧諟常殷任斷斷而愛惡之極端詠
天天而仁讓之風洽明德新民止至善礪切磋
琢磨於九重家齊國治天下平衍樂利親賢於
萬禩

擬上御文華殿少傅楊榮進講所謂平天
下章學士王直進講生財有大道章上剖

析其義諭之謝表

宣德六年

伏以聖衷勤政敞紫閣以談經帝學研幾抉玄
扃而啟秘言壇明晰義海淵渙開一代之太平
訓嚴振鐸導羣工之蒙昧喜溢書紳竊惟大學
全書爲千古傳心之要訣而治平一傳尤百王
制理之芳規別賢否如鏡握天門高士下鴻冥

之弋叙本末如衡懸斗柄貪夫絕蒙慕之羶秉
能愛能惡之公豈樹私家桃李揭悖入悖出之
戒盡芟利孔荆榛自禮記稍雜於漢儒而衍義
始呈於宋世東魯之微言漸泯南面之涼德滋
多以崇政講說爲虛文以承明倮直爲故事賢
關久塞弊竇旁開兩稅均輸閭閻之脂膏竭矣
四科取士草澤之神彩索然大都聚斂之謀罕
有慎修之實倘非聖神之繼作誰闡經傳於重

皇帝陛下道契希夷誠參化育續二祖一宗之
緒恢三皇五帝之勲肆伐貸安南務止戈以綏
荒服征徃停浙右防竭澤而惠黎元比從燕居
清暇之時更修稽古崇文之典遙傳禁籞翠華
指金殿以來臨簡命詞臣蒼佩集瑤墀而進講
謂孔門之首義悉曾子之末章共理陳言反覆
何辭拆角各攄新得討論必欲窮神畜西山致
主之思徒披悃愊究考亭分經之指猶滯藩籬
終慚愚慮之千莫當王心之一鈎深致遠未展
卷而精奧潛通挈領提綱乍吐辭而條理具見
勿容萋菲恐妨有利之臣豈在繭絲乃是生財
之道遠小人親君子官聯庶可澄清急撫字緩
催科民困方能蘇息重爲分割遍與叮嚀溫語
頒來垂照儼殿庭之鑑徽音徹處指迷恍軒后
之車蓋皇上資本天聰能發前人所未發故微

負苞堂文選 卷一
臣聽當風順獲聞今日所未聞臣等識陋雞碑
文疎鼠獄三朝恩遇負剛直之虛名一介遭逢
偶雍熙之景運雖惓惓粗知報國而碌碌無可
逾人敢不持正論以格心將其稷契臯夔贊格
天之業本經術而弘化肯學申韓業孔貽蠹治
之端伏願寶善是圖發身爲憲幣勤三聘蒸蒸
雲雨賢才弦切五揮穰穰水火菽粟則戴日戴
斗命集有常卜世卜年德流不諼矣

擬上御文華殿談典謨有感成詩示廷臣

謝表

宣德四年

伏以明王思治資遺範於典謨盛世颺歌泄元
聲於風雅揆雲霞之麗蒸遙映十行分琬琰之
餘暉俯頒百揆開函色動捧什魂搖竊惟結繩
而降尚書闡混沌之文垂衣以還二帝擅勳華
之盛危微精一授受之淵源喜起明良都俞之
景象虛懷諫鼓軫念薰弦聃脯腊以居勞卽茅

茨而示儉故能使比戶有可封之俗舞階無不
格之苗圖書出而龍馬浮金石諧而鳳凰集此
所以卓冠萬古興起百王者也慨夫秦燎原中
都成灰燼漢矜馬上靡事蒐蘿殘編多錯於汲
書舊簡僅存於魯壁自伏勝始以教士至梅頤
乃列學官徒循掌故之蕪辭或修臨雍之故事
書屏書廡何加韋布之勤作賦作圖詎比羨墻
之切蓋樂此而不疲者有矣求稽古而能獲者

誰與

皇帝陛下欽承玄謨丕揚休命乾綱整肅每
日而惕萬幾允澤滂沱繇兩都而浹四海懷恩
慕化之黨候雨占風疇德應聖之符非煙若霧
固已祥鍾三春瑞輯五靈丹浦之君睠鴻圖而
讓美媯墟之后撫駿烈而慙賢過挹謙冲無忘
仰止清蹕忽傳於武衛乘輿特降乎文華謂記
言記事已來大法大猷安在追格天協帝之蹟

心遊蒲坂平陽誦元首股肱之歌神契總章衢
室乃以惟幾惟康之感發爲如珪如玉之吟紬
繹宸衷輝煌御札踵芳規於曠世見之古亦欲
見之今漱妙旨於餘編得其詞兼以得其意聊
借五言而作體不因六代以爭妍遂遣近臣遍
窺雄製音塵雖隔精神本通而霽顏共覩廓如
下濟之光明溫語均成藹若太和之盎溢臣等
幸隨擊壤叨厠闢門春鳥秋蟲抱微音而欲吐

西崑東壁仰玄象而思瞻非訓比夔臯豈容漫
爲拜手必道參姚姒乃敢獻以沃心如徒登常
侍之牀曾莫諷誠懸之筆蜉蝣歲月將無遺謂
於伐檀狼狽功名抑亦懷慙於撻市伏願取人
爲善能自得師帝驟王馳務咸五登三而立極
聲律身度俾襲六爲七以成經舉八元八愷於
朝端遠陋商巖周渭播九德九功於宇內長欣
舜日堯天

我日美矣平陽誦元首股肱之歡神矣禮章新
 傳故表而商黜周啟辭大壽大位於宇內身如
 若神長其野藥大為子以如野藥人云之益公
 為善論自野而帝賜玉璽符刻五登在而正社
 仗外豈非財內各味亦野藥於封新也
 卦之林曾莫願焉繼之筆執執其後無費情
 為其手必能感其心以天必收奇登常
 西具東望山之象而思其非勝北極皇豐容

負苞堂文選卷之二

吳興臧懋循晉叔甫著文

素無啟

復秦王孫伯聞啟

漢盟白馬非劉不王者三百年周兆赤烏同姬

而封者五十國必待維城之傑斯堪祭酒之尊

恭惟殿下稟潤天潢承暉日觀屏膏梁之習蕭

然若寒士風擅翰墨之工倬哉得作者體賢聲

負在堂文選 卷二
藉藉當在東平河間之前藻思翩翩更出大曆
開成之右而猶過自抑損不敢驕盈設梁園之
席而禮異人築碣石之宮以延豪客網羅四海
揚摧千秋遂使踈逃之姓名亦叨清燕之采錄
遠垂駿顧橫被鴻儀寵借踰涯褒揚非當柰其
素無實學徒負虛稱占丘壑以爲雄抱燿霞而
成瘡未遇鍾期之賞輒欲毀絃若見陸機之文
自應燒研思真龍之忽下識凡鳥之先題白雪

既操庸假巴人之曲凌雲已構詎煩櫟社之材
况乎蒲柳姿衰桑榆齒逼曳裾何日置醴難期
戴華嶽之崔巍徒慚恩重泛黃河之浩渺罔報
知深鴈足數行魚腸徑尺託此爲謝終莫能宣
絲文復杜將軍啟
恭惟門下道器閎遠德宇靚深方略家傳展雄
風於馬上智謀神授決勝筭於帷中蓋天子遣
趙將軍專欲驗破羗之策而路人問霍去病已

能收絕漢之勳。奚止萬夫敵。所向無前。抑亦八
面才。何施不可。是以旁搜六籍。則詩書禮樂。事
業尤多。盡護羣師。則壁壘旌旄。光彩加倍。然而
絳侯以安。劉績顯。若考其門第。何階。征南以僻
左才稱。終恨其淵源莫嗣。乃知後先濟美。厥惟
艱哉。文武兼資。又其細耳。間者屬四埵之無警。
因而得三教之旁通。雖總戎機。希追隱跡。吞九
溟於筆海。快矣抗搖。扶五岳於詞峰。翛然長往。

遂揮黃金以招方士。更勤蒼壁而禮儒流。勒作
新篇。用代麒麟之畫。畱爲故事。將尋鷗鷺之盟。
如僕者。本是畸人。有何他技。久置念功名之外。
謬馳聲文字之餘。直以同調。而要白雪之訓。豈
曰無媒。而來明月之盼。敢不仰承高獎。曲撰蕪
音。託以自將。列之如右。寸丹報德。指秦路而方
窮。尺素緘誠。伏吳門而逾讐。

侯申相公啟

代作

竊以宰相爲朝之柱石眷顧常殷老成繫國之
典刑注望尤切厥惟同德一阿衡乃格于天如
彼妄男百富民何補於漢赤舄之歌有屬黃麻
之召可期恭惟閣下忠結主知道開民覺海岳
無運動之迹人蒙潤而莫窺風露以長養爲仁
物滋生而自遂試問昇平之化當誰輔弼之功
何意避賢驟聞告老營綠野之別第追赤松之
遠游七十從心心已渾忘於出處五百名世世

猶倚重於安危蓋九重本尊李泌以先生而四
海胥戴子儀爲尚父况乃華年彌劬精力無衰
干時親見之紆謨所冀再施今日于躬未竟之
緒業豈容盡付後人某意曠才疎身勤事左自
慚踣地已失扶搖萬里之圖敢學書空且共侏
儒一囊之粟匪階洪造孰借枝棲顧局微官闕
修芹獻是以斐裁狂簡忸布鬱陶諷杜陵之詩
惟思庇於廣廈爲狄梁公士應耻出於他門伏

願永叶朱衣介幘之祥益崇黃耳王鉉之寄

謝葉相公啟

代作

伏遠墻藩亟踰年籥挹徽音於揆路戀逐時移
竊餘潤於奧雲感隨情至恭惟閣下氣鍾五緯
文藻六經適我后垂衣端拱之辰是上相秉軸
經營之日衆言方亂守之以靜而自澄庶政漸
隳整之以暇而悉舉凡所紆畫具有建明而猶
獨坐遐思之巖深懷几几高啟平津之館不悛

翹翹譬諸播大鈞者無垠故雖占小善者必錄
余某學未聞道材莫猶人甫遷典客之司已虞
謫滿旋正罔卿之命承玷榮除詎有清資而致
然曾何素望之及此敢不勉圖驅策覬答均陶
廉比公儀無改懸魚之操謹同石慶常存數馬
之心庶幾却日揮戈收効在桑榆之境豈必順
風擁篲銜恩歸桃李之門

謝劉司空啟

代作

伏某愚不通今拙惟嗜古少妄謂功名之易就
長始知事業之難終故得輿之願益頽而躡席
之慚轉劇凡所剔歷曾惟日計之能勉爾經營
僅守年勞之次數殆盈於百謫技畢見其五窮
何意翰音忽塵罔命蟠木爲萬乘之器根抵誰
容祥金入大冶之鑪鑄錡非想當必有吹噓而
及此夫豈誠僥倖以得之恭惟門下敏劭天材
穹華地望承家則太丘兄弟並奏壘篋遇主則

虞世君臣載賡徵角山濤啟在九流僉服其品
題吉甫詩存萬邦共憲于文武定置宰衡之右
遄歸跬步之間而猶以廣集忠益爲心拔擢幽
沉是急加之攻教雖疲駑亦十駕之資被以收
羅卽弱鱗皆九戩之選遂令無似猥有茲遷人
或笑分寸之攀躋何其蹇也自不翅三千之距
踴將圖報焉子墨虔申寅丹莫旣以與文書

謝陳中丞啟

代作

伏以干城帝之心腹眷注爲深饒道國之咽喉
經營尤急况當河防屢決之後重以度支告匱
之餘設非崇伯滌源詎底平成之績必若蕭侯
轉運方紓宵旰之憂所貴文武之兼資來副兵
民之屬望恭惟門下粹然楚寶偉矣周楨持三
尺以聽祥刑式聞空固備九邊而引漕粟復借
登壇雖草木盡識其威名將山川頓增於氣色
叱咤則千屯雷動指麾則萬檝風生雕戈淑旂

益壯金隄之勢玄冕赤舄佇還玉鉉之司某百
拙無堪一愚自信匪直青雲顯要未嘗敢輕易
以求通卽如平日舊遊亦每坐濶疎而獲罪豈
期弘貸猥辱隆施殆於造我如天不知報公何
地顧漕政之與馬政事有相關而淮陽之去滁
陽境非爲遠更冀始終覆護左右提撕庶使收
名定價於大君子之前可免商功計利於賤丈
夫之隴

謝御史薦啟

代作

漢崇八使之班式嚴風紀唐優六察之選彌峻
霜稜秉白簡以立朝封皂囊而論事其必是非
無爽高下叶於權衡然後舉刺不頗寵辱加於
袞鉞恭惟臺下堪輿間氣江漢精英雅望默可
鎮浮閎抱卓能剗劇鳴琴致理譽早達於彤墀
攬轡澄清芳並流於汗簡出胸中朗鑑坐燭下
吏之百奸發肘後禁方立起疲民之九殞每從

行部尤切題材詎謂庸流誤叨殊日念其寒繇
地稟狷本性成有母在堂空佩教忠之訓無資
逢世祇貽守拙之譏况屬大邦逾媿小器徒使
祿過千石而效乏一籌封域廣則利病未能悉
通獄市繁則聰明有所不逮田里多呻唵憔悴
之態郡邑少敦睦揖讓之風動感觸而爲之顰
眉將措置而能無掣肘既恐與人枘鑿又耻隨
人桔槔故嘗斟酌於事宜不盡拘攣於文法寧

滋多口遑卽微躬所幸國是清明日月具照台
慈覆庇山藪爲藏寬之罪罄之餘登之薦揚之
寂彼列郡循良無數尚欲短以取長豈下走分
量能堪直是愛而忘醜亦何異策駑成駿飾朽
加雕縱未能陳情以乞休冒榮已甚如更遣覲
顏而受賞速謗可知似此隆施當何報稱敢不
勉圖樹立重自激昂惟末路之益工斯素位之
無忝雖仰體朋亡之義若不言恩而少酬師錫

之公庶猶歸德

重如餞徐京兆啟

黃花映野衣冠集西候之寮丹葉滿林樽俎啟
北梁之席少攀騶御共展餞私恭惟門下妙技
解牛餘威避馬榮加九命指巖石以具瞻績奏
三年捧介珪而入覲流芳遺澤江左天南去蓋
征軒雲端日下黃穎川之令望不次當遷劉京
兆之微言何時重接將依勝地用儼初筵清風

穆而城闕寒白露滋而山川遠潮聲暮動翻入
離歌嵐氣晴飛來催別酒嚴程不駐願擁傳而
無從斜景可畱請迴戈而戀賞

迎都轉運啓

代作

恭惟門下衣鉢文章箕裘軒冕佩虎符而臨千
里憑熊軾而撫百城計上甘泉聲望與金甌比
重波澄漲海勳華共銅柱爭高帝心已眷其惟
良公論且須之大拜豈謂煮海之役終歸調鼎

之臣蓋繇鹽筴疏通實係邊方儲待是以雖勤

簡命仍煩握筭之弘羊特假漕司尚屈賜金之

黃霸天占使入地覺錢流念某涉世至迂承家

不競昔於江右曾叨霑化雨之餘今在浙中更

獲厠休風之末曷勝慰藉敢闕趨迎敬徯短函

統希崇鑑

賀方少宰啟

代作

南宮疏渥左揆升華甫承恩賜之環此身本為

天下重卽秉甄收之鑑其權常與宰相均赫爾
具瞻佇茲大拜恭惟閣下天畀仙材家傳奧學
據數重坐席之上首以經橫叅萬乘屬車之間
久於法從知荷橐論思之尚在宜藻旒眷注之
彌深雖廟謨未正於上台而政本全歸於亞宰
闢公門桃李之徑悉入品題撫禁林梧竹之陰
重來潤色必將敷宣大化以培國元氣採聽清
議以銷人倖心俾賢愚無同滯之憂期朝野有

咸和之慶某器非適用分合歸耕顧託共里之
榮冀附趨風之末元禮高門在望竟阻鱗攀孫
弘東閣方新敢忘燕賀搖旌所嚮涉筆難宣

謝李司徒啟

代作

伏以六卿紫橐版部爲繁三輔黃圖倉場最重
苟非周知於戶口阨塞之要何以參酌於錢穀
羸誦之經故王夷甫耻而弗言直是清虛之品
若蕭鄴侯供而不竭乃稱輔相之才矧今國儲

尤勤帝念積之微而耗之廣山海亦有盡藏散
之易而斂之難杼柚已無遺力盡黎庶之剗心
甚矣將廟堂之束手柰何恭惟門下炳靈出嵩
嶽之名宗擢穎得平輿之妙鑿虎符玉節久鎮
江西龍袞繡裳邁歸極北借自股肱之地委以
喉舌之司九府佇待其規摹四海想聞其區畫
樽節滲漏匪規規流地之錢調度通融豈眈眈
雨天之粟蓋惟本憂國憂民之慮少爲運籌卽

能使足兵足食之功可期成效其謬叨驥附愧
闕魚書自分迂疎合就歸耕之計雖蒙提挈忽
徼待駕之榮公雖不居其恩我固已知其自敢
持一念不貶之學以爲異時誓報之圖歌杜陵
詩願永依於大厦作平陽客寧復掃於他門

謝孫掌院啟

代作

竊以今之中丞古稱亞相總三臺之糾察威望
獨隆領四方之副封彌綸益密倘乏正繩之譽

何堪弄印之榮恭惟門下受天鉅材爲國元老
用經術而飾吏治本自關西繇直道而盡危言
彈從柱後宸庭資其補袞揆路藉以持衡凡夫
刀筆冗瑣之流悉在簪橐甄收之數若喬嶽之
蓄雲泄霧人蒙潤而莫知類滄海之包乾括坤
物何歸而不得顧某兩髦頓雪百念俱冰分東
壁之末光恍驚昨夢尋南淞之舊跡深媿重來
豈誠無羽翼以能飛當必借齒牙而爲助故茲

遷轉良已僥逾雖棄庚久役於老聃然毛遂孰
通於趙勝功名直身外之餘事未足蒙知節誼
乃天下之大閑持此圖報

謝許副院啟

竊聞貢禹之封章累萬言輸忠固無別指吉甫
之薦士數十輩流澤乃在異時顧慚疎逖之蹤
亦綴收羅之數敢忘歸德竟闕修詞恭惟門下
養盛而材周器閔而識遠英英風采冠赤墀供

奉之班凜凜霜威領白筆抨彈之責假顏路忠
邪之靡辨將堯舜聰明其柰何矧今國是之淆
未見臺綱之肅若浮議則鼠牙而莫能詰若弊
政則蝟毛而不可爲欲共濟於艱難端有資於
弼亮此九重所以虛佇四海所以具瞻秉軸持
鈞匪明伊夕念某詩書門戶止求無忝於先人
塵土軒裳猶復裴裊於末路湯焉未能信之仕
兼之不足畏之年卽茲典客之銜已多超躡驟

拜奉車之命孰借吹噓直以故人憐附驥之私
遂使拙宦被遷鶯之寵敢不力鞭其後圖稱所
蒙豈謂無言自外公門之桃李縱令不採何傷
幽谷之芝蘭永以操修是爲報塞

謝王侍御啟

代作

繡斧時巡肅霜威於八表彤庭報命洞冰鑑于
羣工方承鼓鑄之恩更荷昇噓之力謝固不敢
德豈能忘恭唯臺下以間氣賢爲名世輔豹文

霧隱聲名蔚起於朔方鵬翮風搏墳典縱觀于
中秘尋膺簡注超拜裏行當乾坤清謐之朝居
山嶽動搖之地入則擁皂囊而進御出則秉白
筆以抨彈卽今浙以東浙以西會自望塵而凜
凜直使吏無大吏無小誰不奉法而兢兢九戩
之魚鱗魴遄歸周室千里之馬騏驥並獻燕臺
遂致閒曹叨題薦刻念職凡容俗狀本乏魁梧
窳質綿才尤慚幹濟徒階門廕濫厠鹽官亦知

栖枳之流定非鸞鳳旣負求芻之責敢返牛羊
諒多瘵曠之愆忽有特達之遇望不及此得之
駭然誓效捐糜勉酬鈞造掃丞相府雖難掩人
言魏勃之庸處平原囊或可脫下客毛遂之穎
謹裁尺素私布寸丹仰冀台原俯垂慈納

回李達亭啟

夙未借交忽奉兼金之賜比欣淮記更聆如玉
之音惠損稠繁慚終裂積恭惟門下器資端亮

經術淵閎論不媿于先賢師友孔孟遠可行於
斯世妾婦蘇章首擢桂林俯勞花縣乍試一同
之政旋騰三異之聲士元猶耻于見才卽墨旣
從而造毀然吏績如此公道謂何汪汪若千頃
之波豈以撓來頓濁湛湛如七子之境偏於磨
後增輝故使製錦之譽益彰顛輿之望轉重寧
迷故步載發新硯學道愛人自不妨割雞之笑
治中別駕翻足爲展驥之圖川泳雲飛未應煖

席幕開風動佇拜溫綸蓋其必然非敢爲佞其
伶俜寡與蹙蹙多畸逆旅養殮聊假賣文而作
活窮年鉛槧敢希述古以成名偶藉游揚輒通
漫刺方瞻鴻漸遙跂來儀已聽鶴鳴同燎好爵
報瓊雖切贈紵何能詢知出梁公之門固無虛
士倘容入言偃之室亦附高流尚冀趨承虔申

謝悃

上饒方伯啟

代作

出漢殿而分符早膺寵數控吳都而作牧近挹
聲光星臨牛女之在天水會江淮以宗海榮綸
特簡末屬傾瞻恭惟臺下經術無雙治平第一
真材命世巖巖粉署之英蒞思凌雲鬱鬱劔津
之秀蓋素養者本孔孟聖賢之定力而駿發者
必臯夔遠大之奇勳自柄文衡羣士悉歸模楷
比叅方岳列城咸籍甸宣顧惟帝念厯于浙中
實謂民賦甲于天下以有限之征輸充無窮之

支費故帑藏非粟紅貫朽之初當不時之年歲
應無已之誅求故閭閻多疾首蹙額之狀將釐
宿弊必仗貞臣使之蠲銖錙以厚黎元積京坻
而豐國計五熊先駕浙東浙西之地唯所經營
雙隼拂旟若耄若倪之人登于衽席雄藩浩穰
會迎刃肯綮之間法禁從容卽聽履嚴凝之表
其五花未習千石虛叨矧才識如綫之微而機
務勞絲之委不虞煩劇以畀疎庸莫逃小吏吏

之凌兢敢託大鈞之塊北帥令長而趨下列終
累一陶裹章服而拜上官謹當三沐庶申賀悃
柰局官聯尺緘未遂于馳驅寸抱彌增其蘊結

壽徐相公啟

萬世享太平仰調元之有素六符開景運識餘
慶之無涯紫氣氤氳誕膺純嘏黃扉深遯夙切
具瞻恭惟閣下儀表鴻達名都虎觀秉鈞衡而
戟門晝敞垂謨訓而椽筆春迴兩詔中興快覩

重光之日月千秋顧命誰如一德之君臣丹衷
秘委于金滕赤手胼扶乎玉座帝情優晉接還
聞博陸辭侯國是炳離明詎擬平津開閣何嫌
得序卽在同升豈爲流言忽甘引退朱提捧賜
皂蓋騰馳勳庸寫像于麟臺未改憂時之鬢疏
草嬰鱗于驪海偏輕去國之身蓋龍臥幾十餘
年茲鵬息之六越月睠惟御袷報是懸弧人文
叶兆于河清天意呈祥于奎聚靈實借青鸞西

至綺席生香仙歌偕白鶴南飛金殿應律堂宁
念相兩朝之耆舊特旨修曠百代之典章乃遣
行人曰咨上宰渙絲綸于存問籍筐篚于褒嘉
渥矣恩波三泐逾增浩蕩巋然壽域九峰轉覺
嶙峋庭際芝蘭曉競抽盡擁錦衣而戲彩門前
桃李陰初合僉投玉案以稱觴翻知綠野之優
游允繫蒼生之屬望任懸車于華閣應易蒲輪
仍聽履于彤墀疇拔赤舄某自慙凡鳥久辱鳳

題不分疲駑曾來駿顧居幸隣于桑梓戚忝附
于蒹葭恭承嵩降佳辰欣效華封私祝顧南極
遙臨于吳苑爭榮酌兕之班而下材叨部于荆
藩莫赴紱麟之會聊陳穎楮僭頌岡陵伏願玄
祐彌隆真禧茂介斂箕疇之福施及雲仍賡周
雅之篇同歸主上
崇賀王中丞自江西入僉院事啟
恭惟明公授鉞天朝登壇江右一時丰采萬里

澄清遂使綠林解戈黔首帖席深仁淺乎彭蠡
崇勲俯乎匡廬故近習則胥史以及輿臺遠聽
則州郡以逮邊徼多歷則父老能評則搢紳皆
謂明公敏作能精寬大無漏逍遙匪適綜核不
苛誠仁義之金湯西南之保障也屬聖天子宵
旰晷治夢寐懷賢謂須列栢重臣以糾三輔郡
吏乃勤詔璽特走徵車秉憲外庭風裁夙推于
薇省鳴珂北闕霜威具肅于蘭臺都中行避花

驄知按章之權重鄴下才輕繡虎識抗疏之名
高宅揆允端國鈞攸寄豈不深吾道彈冠之慶
而邁主恩賜劔之榮哉某駑似不前樗如無用
幸濫竽于末路遂攬轡于方城曾向龍門御李
膺不忝青蠅之附佇看麟閣圖充國何當白璧
之投雖拮据之勢靡遑而詣賀之心則切肅將
筐篚私佈堦墀素乏先容更慚後至藉輸忱于
炙猷冀徼惠于麾存

壽張太夫人啟

輝騰寶婺南山開壽域以嵯峨賜渥金莖東海
引恩波而浩蕩百僚交忭三楚增榮恭惟太夫
人昭代母儀昌時人瑞清淑抱湘江之竹幽芳
茹漢浦之蘭產珠則照乘孚胎韞璧則連城邁
種思文稱后稷實載育於姜源篤棊頌姬公由
克生于文妣受憑几之命不動聲色而四表晏
如當負辰之朝總攬紀綱而羣工允若以其身

任天下重攄鹽梅舟楫之弘猷以其學爲帝者
師賡元首股肱之逸響分投魚水會際雲龍雖
上宰奉公重遠揆衡之地而明王錫類善推定
省之情迎養特遣中官賚予頻頒內帑掖庭召
見環珮聲徹彤墀第送歸榆翟香分紫禁金
爲昆玉爲季懋文武而功勒彝常鳳之子麟之
孫嗣後先而名垂汗簡鴻庥未艾燕喜奚勝遙
瞻壽母之辰適屆恢台之候堂開捧日雕楹繡

愧映輝煌觴泛流霞急管繁弦爭窈窕仙馭驟
黃鸞藥宮樹秀三珠玄帙報青鸞蓬島桃菲千
歲彼潘令以板輿奉御遂目殊恩而萊子以綵
服稱歡猶標純愛未有舞袞衣于膝下羅簪笏
于階前迺如今日之盛者也伏念職昔效掃門
幸辱通家于北海頃緣詣闕猥逢開閣于平津
拜燕市之黃金過徼前綏之惠聽郢都之白雪
殊虛刻羽之才感切生平賀慚人後舉兕觥而

獻壽華封之祝徒殷續貂座以颺言周雅之歌
莫罄所願俾昌而熾遠覩雲仍之茂而與國同
休訓孝爲忠永貽宗社之安而並天罔極

壽申太夫人啟

崇封石窳光騰彤管之書介壽瓊筵喜溢班衣
之舞馳賀賓於南國錫備物于中朝樂事駢闐
頌聲環匝恭惟老師閣下昭回降彩沆瀣融精
伊呂伯仲之功於斯爲盛堯舜明良之眷如彼

其專雖遄井絡之歸猶重斗樞之贊老師母慶
鍾勳閤道媿名家輔佐積勤袞龍作弼休祥有
衍夢燕徵符繼思齊思媚以興歌次第七旬之
袞宜如山如河而象服勞煌五福之疇念昔王
霸鹿門率糟糠而偕老梁鴻吳市携荆布以齊
眉然迹晦而名實無聞亦身窮而子姓不顯豈
如太平相業長容綠野之間濟美家聲寧負青
箱之秘况乃墁篋遞奏羔雁成羣擢枝禮闈幾

戀親輿畱御攻駒罔牧初迴使節承歡于時律
轉玉衡星周金度早梅競放香浮席上之青尊
瑞雪前飛色映堂中之白髮口脂面藥九重恩
澤方來鶴馭鸞驂三島神仙可卽人間罕儷天
下極榮某夙忝經帷欣瞻壽域愧身羈于京兆
莫遂鳧趨祗神泮于宮墻徒深雀躍遙獻崗陵
之祝聊資筐篚之將伏願遐祉彌增純禧永祐
際五百之昌運徽音共文德齊彰延八千之大

年椿樹與萱花並茂 共文新發清風入千丈大

云厥神資靈龜之祥為醜豕極會時節不

與後身誠如惟我于宮計封終終豈豈豈豈

不勝然其夙亦豈計初豈豈豈豈豈豈豈豈豈

學女來豈豈豈豈豈豈豈豈豈豈豈豈豈豈豈

豈豈豈豈豈豈豈豈豈豈豈豈豈豈豈豈豈豈

轉王豈豈豈豈豈豈豈豈豈豈豈豈豈豈豈豈

豈豈豈豈豈豈豈豈豈豈豈豈豈豈豈豈豈豈

豈豈豈豈豈豈豈豈豈豈豈豈豈豈豈豈豈豈



